


Hubilario special na DIARIO



ORANJESTAD (AAN): Un celebracion special tabatin na DIARIO, como cu redactor Nilton Lacle a festeha e hecho cu 15 aña pasá el a drenta den

servicio cu Matutino di Pueblo.

Mas cu claro, staff y personal di DIARIO ta uní pa asina felicitá Nilton, y deseá

hopi aña mas laborando cu nan.

Riba e foto por mira momento cu Director, Jossy Mansur ta entrega Nilton e acostumbrado envelop.

Pueblo ta rabia y ta reacciona Tin basta reclamo di ciudadanonan cu e cedula nobo

ORANJESTAD (AAN) – E cedula nobo cu ciudadanonan mester bay busca a trece basta preocupacion den seno familiar, segun algun lector a splica na redaccion di DIARIO.

Tin hopi persona cu no a conta cu e gasto extra aki, anto nan ta haya mas inhusto cu ta net por bisa na cabamento di aña cu sigur gastonan lo ta mas halto y lo afecta esnan cu ta tene cuenta cu e presupuesto familiar. Tin ciudadano no tin trabao, te pa nan tin presupuesto, pesey algun ta haci e pregunta via DIARIO: kico nan tin cu haci awor?

E criticanan a bay den direccion di e prijs cu tin cu paga

cu antes tabata 5 Florin y awor a bira 40 Florin ademas di e placa pa saca potret loke a cay den masha mal tera.

DIARIO por a tende reclamonan di parti di famianan na unda cu cabez di cas cu ta traha te na San Nicolas mester laga su puesto di trabao, su sra. ta traha na Playa tambe mester pidi permiso na trabao y ademas mester pasa busca varios di e yiunan na diferente school pa bay busca cedula, pasobra ta henter e familia mester presenta placa na man para den rij na Postkantoor te ora cu nan keda cla. E carta cu ciudadanonan ta ricibi ta bisa cu e familia mester presenta na tal ora tal dia pa nan haya nan cedula. Tambe tin e inconveniencia cu awor mester paga entre 12 y 18 Florin pa potret y sin cu tin mester di tanto potret pa saca y ta kico nan ta bay haci cu resto di potret? Tur esaki ta preguntanan cu ta drenta na redaccion di DIARIO di ciudadanonan preocupa. Lectornan cu a yama DIARIO no ta contento cu e sistema aki cu a afecta e presupuesto familiar di algun familia.

E ciudadano lector ta splica cu e conoce un mama cu seis yiu y e ta puntra ta na unda e pover lo haya placa pa e keda cla cu nan tur por haya nan cedula?

Pa colmo, si un persona no tin su cedula e por core risico di haya un boet tambe.

Sin tin moda di haci, pasobra esnan cu tin manera di paga pa tur e gastonan aki, apenas ta sinti nan cartera, pero ta con ciudadanonan bashi y sin trabao lo bay cuminsa?

Esaki ta pa cera aña cu broche di oro, anto ora aña habri mes ta 10 Florin mester ta poni un banda pa paga pa truck di sushi, pasobra esaki tambe ta poni riba lista di medidanan.

Y abo? Di ki color bo kier
pa mundo wak bo?...
descubri e contesta cu
Dior tin pa bo!



Consehero di beyeza di DIOR

lo t'ey den nos
tienda pa duna
consulta GRATIS!

Fecha: November 5, 6 & 7, 2003

Ora: 9:30 am - 5:30 pm

Lugar: Aruba Trading den Caya Principal

Consehero di beyeza: Samurai Cajar

ARUBA TRADING COMPANY

Retail Store Caya Betico Croes

Pa reservacion yama Ana
na tel. 582-2602, durante
oranan di trabou.

**TELEFONNAN
DI DIARIO
582-6747
FAX
582-8551**